

# Hitzarmen eta enpresa berriarekin, "hobeto"

Etkez etxeko langileen kudeaketa daraman SSI kooperatibak egoitza inauguratu berri du Iturriotz kalean. Horren harira, langileak nola dauden jakin nahi izan du GOIENAK; lan gehiago dute, hobeto ordainduta, eta gustura daude SSIk ematen dien tratuarekin

**Xabi Gorostidi** ARRASATE

2018an zehar zeresan handia eman zuten Arrasaten etkez etxeko laguntza zerbitzua ematen duten langileek. Euren lan baldintzak hobetzeko eskatzeko, lau hilabeteko greba egin zuten, askotariko manifestazioekin eta kale agerraldiekin. Udal zerbitzua Clece izeneko enpresa azpikontratu baten bitartez eskaintzen zuen Udalak, eta enpresa horrekin zuten lau urteko kontratua uztailean bukatzen zen. Hura amaitzeaz zegoela hasi zituzten negoziaketak eta protestak, euren eskari nagusiak aintzat hartuko zituen lan hitzarmen propioa lortzeko.

## Urrian, konponbidea

Clece enpresaren kontratua uztailean agortzen zen. Momentu hartan, langileek greban jarraitzen zuten, eta, salbuespen neurri bezala, hilabete bat gehiago luzatu zuten Clecerekin kontratua. Langileen eskariei men eginez, Udalak konpromisoa hartu zuen enpresa berri bati kontratua esleitzeko. Horien artean: erabilzaileei ordaintzen duten tasa jaiste, zerbitzuaren lizitazio prezioa %35 igotzea eta zerbitzu berriaren esleipena gizarte ekonomiako enpresei mugatzea.

Urritik aurrera Clecek jarraitzeko asmorik ez zuela ikusita, SSI kooperatiba barruko Aurreantzen enpresa bilbotarrari eman zion Udalak etkez etxeko langileen kudeaketa, zerbitzua esleitzeko prozesua amaitu bitartean. Negozioak egin ondoren, SSIk aintzat hartu zituen langileen eskari nagusiak, eta hitzarmena sinatu zuten. "Langileen ordezkariak, eta langileek, oro har, jarrera irekia izan zuten, eta horri esker akordioa lortu genuen urria amaitu baino lehen. Konfiantza izan zen horretarako gakoa", azaldu du SSIko arduradun Karmele Acedok.



Etkez etxeko langileak, SSIn egoitza berriaren aurrean. XABI GOROSTIDI



**KARMELE LOITI** ETKEZ ETXKO LANGILEEN ORDEZKARIA

"SSIrekin erlazioa askoz hobea izan da. Foru Aldundiko araudi hobetua aplikatzen digutenetik, lan gehiago dugu, eta hobeto ordaindutakoa".

"Enpresa berriarekin erlazio askoz hobea izan da hasieratik. Kooperatiba bat dira, eta igartzen da pertsonekin duten tratuari garrantzi handia ematen diotela. Adibidez, Arrasaten bulego propio bat zabaldu izana langileei atentzio hobea emateko modu bat da. Orain, badugu nora jo enpresako ordezkariarekin egoteko... logistikoki aurrerapauso bat da guretzat, lehen telefono bidez komunikatzen baikinena", adierazi du langileen ordezkari Karmele Loitik.



**KARMELE ACEDO** SSI ENPRESAKO ARDURADUNA

"Pertsonak zaintzen dituzten pertsonak gara. Hori da SSIn leloa. Kooperatiba bat gara, eta pertsona erdigunean izatea berez dugu balio bat da".

## Lana eta soldata, gora

2018ko urtarrilean, Foru Aldundiak araudi berri bat onartu zuen, eta zerbitzua SSIk hartu bezain pronto horren onurak aplikatzen hasi zitzaizkien langileei. "Lehen, ezin genezakeen asteburutan lan egin, eta, araudi berriarekin, urteko 365 egunetan lan egin dezakegu. Horrez gain, pazienteko bi ordu izatetik lau ordu izatera pasa gara. Hala, langileon okupazioa asko igo da, eta lau langile gehiago kontratatu dituzte. Lan gehiago dugu, eta hobeto ordainduta".



Eguazteneko bileran parte hartu zuten herritarrak.

## Ideia zaparrada 'dinamikaren lehen'

11/13 auziari ikusgarritasuna ematen zituzten; 2019ko LKRTSN egutegia

**X.G. ARRASATE**

Ekain Zubizarretaren eta beste 46 lagunengatik aurkako epaiketa irailaren 16an hasiko da, eta azaroaren 18ra arte iraun dezakeela aurreikusten dute. Maila nazionalen 8.200 sinadura batu dituzte, eta irailaren 14rako manifestazio nazionala iragarri dute -Arrasatetik autobusak jarriko dira-. Horrez gain, auzipetuen jatorrizko herrietan plataformak antolatzen dabiltza -2.000 lagunek baino gehiagok hartu dute parte- atxikimenduak eta babes ekonomikoa lortze aldera, eta eguaztentean horietako lehena egin

## Santa Marinar jaia da nagusi, gaurtik

Zaratarik gabeko su artifiziala da; baina ez dira su-artifizialak

**X.G. ARRASATE**

17:30ean egingo duten bandera jaitsierarekin emango diete jaiei hasiera, eta jarraian, haurrentzako boloa ere egingo dute. 18:00etan, Santa Marina elkarrekin prestatuko txokolate-jana dastatuko dute, eta 18:30ean, Patxi Magoaren ikuskizuna hasiko da Agerre plazan. 22:00etan, Agerre plazan bertan, Joaquin Sabinaren bertsioez osatutako zuzeneko emanaldia hasiko da; horren ostean, Los Otros taldea igoko da oholtza gainera.